

MME EDISINE-ŊKPỌ MME OKU ISRAEL

Exodus 28:1-43; 29:29, 30; 39:1-31

QYQHỌ UKPEP-ŊKPỌ 97

Eke Ikpọ Owo

IKỌ IBUOT: “Aaron edibiom ikpe nditọ Israel ke esit esie ke iso Jehovah kpukpru ini” (Exodus 28:30).

I Edisana Edisine-Ŋkpọ Akwa Oku Ke Abańa Ubọń Ye Uyai

1. Kpukpru edisine-ŋkpọ mme oku ekebe ke mme enọ ima esit, emi nta mbon usọ emi ekeyakde idem enọ ekedade ubọk enam, Exodus 28:1-5; 39:1; 5:2, 4, 7; Ezra 2:68, 69; Nehemiah 7:70-72
2. Ephod ye Ubọp-isin ekedi ndiye ndisine ńkpọ emi ata mme anam usọ ekenamde enyuuń edian mme itiat emi ekapdekap ke afara, Exodus 28:6-14; 39:2-7; 35:4, 5, 9
3. **Mbana-ikpanesit ikpe** emi ekedade gold, awawa ye purple ye ididuot ye eti edifiak linen edọk, ye ndiye nsọń urua itiat 12 emi ekedade enọ esien Israel 12 akadiana ke Ephod oro, Exodus 28:15-29; 39:8-14; Isaiah 49:16
4. **Urim ye Thummim** ekesine ke mbana-ikpanesit, Exodus 28:30; Leviticus 8:8; Numbers 27:21
5. **Ekura Ephod** emi ekedade awawa ọfọń enam, ekesine enye ke idak Ephod, Exodus 28:31-35; 39:22-26; Leviticus 8:7-9
6. **Mitre** emi edide uyaribuot ekedi linen, Exodus 28:39; 39:28
7. Ekeda awawa lace emum **Mbana ńkpọ Gold** eyiri ke mitre, Exodus 28:36-38; 39:30, 31
8. Ekesine **ńwet-ńwet frock, ubọp-isin** ye **Ọfọń-ukot Linen** ke idak ekura Ephod, Exodus 28:39, 42, 43; 39:27-29
9. Ekenyene ndiyak edisana ndisine ńkpọ emi nnọ owo emi ekenyenede ndida itie akwa oku ke ini enye eken akpade, Exodus 29:29, 30; Numbers 20:24-28

II Edisana Ndisine-Ŋkpọ Mme Oku Ke Abańa Ubọń Ye Uyai

10. Ekeda **linen enam Frock ye Ubọp-isin**, Uyaribuot ye Ọfọń-ukot enọ mme oku, Exodus 28:4, 40-43; 39:27, 28; Leviticus 8:13; Ezekiel 44:17-19.

SE EKPEPDE EBAŃA

Eti Usuuń Emi Ọfonde Ama Ke Abańa Edituak

Ibuot Nnọ Abasi Ke Nde Ke Nde

Ke mme akpatre ukpep-ńkpọ nnyin ke abańa nditọ-Israel, nnyin ima ikut nte mmọ ekpọńde ebiet nduok-odudu ke mben obot Sinai enyuuń etọńode isań ndika Isọń Eńwọńọ ke ema ekebọ Ibet ye mme item Abasi. Ema ebọp Ataya ndien Abasi ama onyuuń owut Idem Esie ke ata utibe usuń ke enyọń ye esit edisana ataya oro. Ke akpatre, obubit enyọń ama adaha ọtọńọ ndisańa ńka iso, ndien Abasi ama ada oro ada mmọ usuń. Mme Levite ema eda obufa itie utom mmọ enyuuń etim enam kpukpru ńkpọ aka isọ ke nde ke nde.

Ọtọńode ke ini emi ekebererede Ataya tutu osim ini emi mmọ edahade isań, ọsuhọre akan ọfiọń iba (Domo Exodus 40:2 ye Numbers 10:11), Abasi ama esisobo ye mmọ ediwak ini nte mmọ edade mme enọ mmọ esọk Enye. Ekedi utọ ini emi ke mme akpan Israel ekesida mme enọ esọk Jehovah (Numbers 7:1-89); ema edia usọrọ Nsańa-mbe ọyọhọ ikaba; ema enyuuń eyet akwa oku ye mme andińwam enye aran enim enọ utom Abasi; edi ema enyuuń esio mme Levi enim sańa-sańa enọ mmọ item ke abańa utom emi mmọ ekenyenede ndinam nnọ Abasi. Ema ewa mme uwa emi ekewade ke kpukpru usen-ubọk ye mbubreyo, ye mme enọ usen Sabbath emi ekesidade esọk Jehovah ye enọ emi akanade nte esinọ ke eritọńọ ọfiọń. Ke ntre, okposuk edi eketọńode tọńọ edu ukpono emi, mmọ ema ekut Uwa Eke Ọfonde Ama emi ekenyenede ndito ke Heaven ndi emi ekenyuuń emende ewut ke ini ke ini.

Ke nditim ntiń, kpukpru mme akpan ukpep-ńkpọ ke abańa edituak ibuot ye se mmọ ewọrọde ikeneńekere ińwańa mmọ. Mmọ eketiene ke mbuotidem koro ekedide uduak Abasi. Nnyin emi idude ke eyo Eti-mbuk mfọn inam ukem-ukem ntre edieke nnyin idide nditọ Abasi. Mmọ ema efiok ete ke utom emi mme imọ inyenede ndinam nnọ Abasi ekedi nditiene Enye ke mbuotidem ye ńkopitem ke mme edinam emi Enye onimde ọnọ mmọ okposuk edi nte emi mikotimke ińwańa mmọ ke kpukpru nde. Nnyin imọfiok ite oro edi akpanikọ. Mmọdo, okposuk edi nte mmọ mikọfiokke se kpukpru mbiet ye mbukpọń ńkpọ oro enyande ubọk ewut, mmọ ema esuk ekeme ndibọ ukem edidiọń emi etode ke Iyip Calvary nte nnyin emi ifiokde edinam oro nte mbuk akpanikọ.

Ekeme ndidi ke mmọ ekese ndusuk mme edu ukpono ke itie ke itie ke mkpaidem, ukem nte nnyin isede mme ntiń-nnim edinam ini iso ye ọkpọsọń udọń iyom ndifiok usuń ye edu nte kpukpru ńkpọ oro ediwọrọde isu. Edi akpanikọ ete nte mmọ ekewọrọde edi usuń Efe esop ama enyene mmọ ndyọ ndikut usuń nte edidiọńde ubak itie ke Ataya oro ye

mme utom eke mmọ ekemedede ndikut. Ekeme ndidi ke mmọ ema ese ndisine ńkpọ mme oku nte eyede ke mkpaidem, ndien ke edisana ndiye usine-ńkpọ emi imekeme ndikut nte owutde mme nsio-nsio idaha Christ emi edidide. Edieke edisine-ńkpọ mme oku emi ekenamde mmọ ekere ebaña mme ẹńwọńọ eridi Andinyaña, nso ikpedi ekikere mmọ ke ini mmọ ekeikutde akwa oku nte esinede edisine-ńkpọ ubọń esie?

Edisine-ńkpọ Akwa Oku

Akwa oku ekedi ibuoat ke otu mme oku; ndien ndiwut idaha emi enye akamade, Abasi ama owuk ete edisine-ńkpọ idaha utom emi akpana edi ńwọrọ-nda akan mbio eken. Edi oro ikedighe ńkukure ntak ukpuhọre edisine-ńkpọ akwa oku ye mme oku eken. Nnyin ima ibem iso itin ite ke ediye ndisine-ńkpọ mme oku okowut nsio-nsio idaha Christ. Edi ikedighe mmem-mmem inọ owo ekededi, mme uwa ekededi ndiwut kpukpru idaha Christ nte esine-ufot me andikpe-ubok. Ata eti idaha emi ekpekemedede ndida ńwut ke idem owo kiet, ema ewut ke eke akwa oku. Enye ke edisine-ńkpọ ye ńkpọ-mbana esie, ekedi mbiet ata Akwa Oku nnyin ke ison emi idahaemi esinede ata akamba idaha ubon nsinsi edinen-ido Esie, oro edi uyai emi owo mikemeke ndikere man ekedohọ ndien ndida ndisine-ńkpọ ye nsion-urua itiat ererimbot emi ema ekesuni ntim ńwut.

Ke ńwede Leviticus 8:7-9 etin eno nnyin ido nte ekesisinede mme edisine-ńkpọ emi. Ke enyon onon esit-idem, Moses ekenyene ndimen ndok ndok edisine-ńkpọ emi enamde ke linen esin odor Aaron ke idem onyuni ada ubop-isin linen emi edide awawa, purple ye ididuot obop enye. Ke enyon frock emi, Moses eyeton ntak esine enye awawa ekura ephod ye awawa pomegranate, purple ye ididuot ye mme ńkanika emi edade eme enam ke ison onon oro. Ndusuk owo ekere ete ke ekedi ńkpọ nte ńkanika 72 ye pomegranate ke ison onon kiet emi.

Ke enyon ekura ephod, ema esine ephod edori. Ephod ke idemesie ekedi ibio-ibio onon-idem, ndien ekedi kiet ke otu ata akpan ndisine-ńkpọ akwa oku. Ema etim eda ini enam enye eye eti-eti ke eme (gold), purple, ididuot ye awawa ye eti linen ubok anam-uso nte Abasi okowutde Moses ke Obot Sinai. Ema eda nsionurua-itiat iba edian ke mme afara ephod. Ke mme itiat emi ema ewet enyin esien ndito Israel 12. Ephod oro ama enyene ata ediye mbobọ emi ekedade etebe enye ke itie esie.

Ekada ńkpokobi gold emi esinde ebe ke mkpanuen gold ebop mbana-ikpanesit ikpe edian ke ephod. Union esie ekedi ikpat kiet ye ubak (inches 18) ubom esie onyuni edi inches 9 ndien ńkan mbina ekedi ukem-ukem ke ini efuride enye. Ema enam itiat 12 edian do enyuni ekap enyin mme esien Israel ke mmọ. Ke mbaña-ikpanesit emi ama odu ebiet emi Moses akadiande Urim ye Thummim, ńkpọ kiet, mme ediwak, emi ńwede Abasi mitimke itin ńkpọ saña-saña ibaña.

Ekada mitre, me uyaribuot emi ekedade eti linen enam, efuk ke ibuoat akwa oku enyuni eda awawa lace ebop edian, eda gold ekap mme ikọ emi “EDISANA ńKPỌ JEHOVAH” edian do.

Christ, Akwa Oku Nnyin

Nnyin imekere ibaña nte eketiede mme owo kiet-kiet ke idem ke otu oro ke ini ekeikutde ubon emi eketienede mme edisine-ńkpọ akwa oku. Ndusuk mme mbiet ubon emi ema esu ndien nnyin imekeme ndikut idahaemi ata esisit ńwọrọ-nda uwut-ńkpọ ikan nte ndito Israel ekeikutde ke ini mmọ. Edi mme ubon eke ekponde ekan ke esesuhọ ndiyarade ke ini mmọ. Edi mme ubon eke ekponde ekan ke esesuhọ ndiyarade nnọ nnyin, ubon emi iditimde ikut oyohọ-oyohọ ke ini idikutde Enye emi edide Akwa Oku nnyin idahaemi ke mme heaven. Idahaemi Enye esine mme edisine-ńkpọ oku emi Enye okobode ke ini emi Enye okokutde ndutuhọ man Enye ekpedi Andikpe-ubok nnọ nnyin. (Kot ke Isaiah 63:1; Mme Hebrew 2:17; 3:1, 2; 4:14, 15; 7:24-28; 8:1, 2; 9:11-14; 10:19-21).

Ndusuk Mme Mbiet ńkpọ Ye Nte Mmọ Ekesude Ubak-Ubak

Mme Ononidem Linen enyene ata akpan idaha. Ekpep nnyin ete mmọ edi mbiet nti edinam anwan-ndọ Christ (Mme ńke 31:12). Mme oku Abasi ye ikpọ owo ke ofuri emana ekesisine onon linen ke ndinam utom ye ndituak ibuoat nnọ Abasi (1 Samuel 2:18; 22:18; 2 Samuel 6:14; Ezekiel 44:17, 18). Eda emi esine mmọ emi Abasi emekede okoro ye ńkpọ mbana-idem emi eyohode ye nsion-urua itiat. (Ezekiel 16:10-14; Eriyarare 19:14). Ke Heaven enye edi edinen-ido nti ikot Abasi (Eriyarare 19:8).

Mme Ndori Afara Ye Mbana-Ikpanesit Ikpe ke ekekap enyin esien Israel 12. Mmọ emi ikadianakere ikpon ephod, okonyun ana ke ńkpọ eriti, idion, emi ndito Israel ekpedionode ke ema eti mmọ ke ini akwa oku akakade ke iso Abasi. Andikpe- ubon ubok nnọ mmọ okobiom mmọ ntre ke mme afara esie ye ke esit esie.

Urim ye Thummim emi nnyin ifioke ńkpọ ata esisit ke adañaemi etinde ebaña nte enye etiede ekedi ata utibe-ńkpọ. Moses ekesin mmọ ke mbana-ikpanesit-ikpe ndien mmọ ekedi usun emi akwa oku ekesidade eneme ye Abasi. Etim ekut se mmọ edade eno, oro edi ifioke ye nda-usun spirit emi enode mmọ eke ebode odudu emi odundeduun ye

mmọ oto uduok-mmọn Edisana Spirit, ndien mmọ esuk ekaka iso eneñere esik ekpere Abasi. Edi mmem-mmem nkpo edisana nkpo-uto emi Abasi ekemede ndinọ nnyin, ndifuhọ nnyuñ mbọhọ nsop kpa Urim ye Thummim emi esinede ke otu nkpo ition emi mme andikpep Nwede Abasi ewetde nte okodude ke Itie-ukpono Abasi Solomon ye Ataya, emi mikoduhe ke oyo hoto Itie-ukpono Abasi iba.

Nnyin imokut ite ke ediwak ekebo mme etop eto Abasi ke ini emi ekewetde Edisana Nwede Abasi eto Urim ye Thummim (Judges 20:18, 28; 1 Samuel 10:22, 23; 23:9-12; 30:7, 8). Mmọ ema eneñere eyom inyene eke nkañ spirit, nko akpana edi ntre ye nnyin (Ezra 2:63; Deuteronomy 33:8; 1 Samuel 28:6). Ndien nnyin ikpokom Abasi didie koro edibe-mfep Akani Ediomu ikakpanke nnyin ndinyene uto inyene emi, edi esuk enim enye eno mmọ emi ediyomde ke akpaniko, se ifonde ikan emi Abasi ekemede ndinọ mmọ (1 Nwede Corinth 2:14; John 8:12; 16:13-15; 1 John 3:24; 4:1; 1 Nwede Thessalonica 5:21).

Ke mben ison **Edisine-Nkpo Ephod** ema eyiri mme nkanika emi ekedade eme (gold) enam ke itie ke itie, esin pomegranate. Ke ini akwa oku akade ke iso Jehovah ndinam utom esie, mme nkanika emi eyemia ndien mme owo emi edude ke anwa efe-esop emi ekebetde ke akam eyefiok ete ke enye emi ekpede ubok onọ mmimọ ke iso Jehovah do odu. Ke ntak efen, mmọ eyefiok ete ke akwa oku oro ke ododu uwem ke adañamei mmọ ekopde nte mme nkanika emiade. Usop-usop unana uyo nkanika eyenam mme owo oro efiok ete ke enye ama akpa ke unana idorienyin, ndien owo efen enyene ndida itie utom esie.

Ke edibon akam nnyuñ ntiñ ikọ nnọ Abasi, nnyin nko imekeme ndifiok ite ke akakan Akwa Oku nnyin ke ekpekpe ubok abañ nnyin. Nnyin nko, imekeme ndikop “mme nkanika” ke ofon-idem Esie ke ini nnyin isikde ikpere Heaven.

Mitre emi akwa oku akayarade ke ibuo ekeki kiet ke otu edisine-nkpo emi owo Abasi oro ekesisinede. Ema ekim **nkpo mbana gold** emi ekekapde ikọ emi “EDISANA NKPO JEHOVAH” edian ke Mitre oro. Emi ekesidi nkpo eriti kpukpu ini onọ enye, ye kpukpu mmọ emi ekesikutde enye, abañ nte idaha utom esie edide ata akpan nkpo onyū asanade.

Akwa oku oro akanam utom abañ **ndisana nkpo**. Enye akada ke ibuo **edisana** Abasi. Enye ekenyene ndiwa mme uwa emi man osio-isop idiok-nkpo, man anam mmọ emi enode nkpo uwa emi ke mbuotidem ye ke esit akpaniko **esana**. Enye ekenyene ndikpep mme owo mbañ usuñ edinen-ido ye ata **edisana uwem**. Nte esine-ufot, enye ke idemesie ekenyene **ndisana**, man oto do enye okpobọ mfon onọ mmọ man ekpenam mmọ **esana** ekpenyū ebeñidem ndidū ye **ndisana** owo ke obio-ubon. Enye ke akpatre, ekeki mbiet **edisana ye edinen Owo emi**, ke ini Abasi, ekenyenede ndidi man edimen idiok-nkpo efep onyū anam nnyin isana oto ke ediwa Idemesie.

MME MBUME

1. Anie okonọ nkpo emi ekedade enam edisine-nkpo mme oku?
2. Siak mme ofon emi mme oku ekesisinede.
3. Siak mme ofon emi akwa oku ekesisinede.
4. Mme itiat mbana afara edisine-nkpo mme oku ekeda eno nso?
5. Nso ke ekekap ke mme itiat emi akwa oku okobiomde ke ikpanesit esie, nso ke mme itiat oro ekeda eno?
6. Tin se ekura linen ekeda eno?
7. Ekewut didie nte Abasi asanade ke mme edisine-nkpo mme oku?
8. Nso ikedi ntak emi Abasi okoyomde enam mme edisine-nkpo emi ke nde ke nde?
9. Mme nkanika ke mben ison awawa ofon-idem emi mme akwa oku ekesisinede ekeda eno nso?
10. Siak mme itie ke Ikọ Abasi emi etinde eno nnyin enye emi Akwa oku nnyin edide.